



UNIVERSITÄTS-  
BIBLIOTHEK  
PADERBORN

## **De Congregationibus Clericorum In Communi Viventium**

**Le Mire, Aubert**

**Coloniæ Agrippinæ, 1632**

Cap. XVII. Congregatio Clericorum Regularium Minorum, à Ioanne Augustino Adorno instituta, per Sixtum V. anno 1588. approbatur.

---

[urn:nbn:de:hbz:466:1-64608](https://nbn-resolving.org/urn:nbn:de:hbz:466:1-64608)

## CAPVT XVII.

CONGREGATIO CLERICORVM  
*regularium Minorum, à Ioanne Augustino  
 Adorno instituta, per Sixtum V. an. 1588. ap-  
 probatum.*

SIXTVS Papa V. ad futurum rei memo-  
 riam. Sacræ Religionis propagationem  
 nostris potissimum temporibus vbiq̃ue  
 vigere, eiusq̃ue fructus Domino gratissi-  
 mos, & vniuersæ Christianæ Reipublicæ  
 vtilissimos, animabusq̃ue fidelium ni-  
 mium salutare, quos ex personarum ibi  
 degentium deuotis & continuis precibus,  
 cum vitæ probitate, & sanctitate coniu-  
 ctis, prouenire cognoscimus, accrescere  
 semper ex animo desiderantes, quo eccle-  
 sia hæc visibilis, quæ contra harum tene-  
 brarum Principes & Rectores perpetuò  
 militat, huius mundi nequitijs & hostili-  
 bus insidijs faciliùs resistere, & mortifera  
 tela propulsare queat, fidelium vota in id  
 ipsum tendentia ad exauditionis gratiam  
 libenter admittimus, illisq̃ue fauorem A-  
 postolicum impartimur, prout ipsa viden-  
 tur exposcere, & nos conspiciamus in Do-  
 mino salubriter expedire.

Sanè pro parte dilectorum filiorum  
 IOANNIS AVGVSTINI ADORNI presby-  
 teri lanuensis, & sociorum, nobis exhibita  
 peti-

petitio continebat, quòd ipsi pluribus ab-  
hinc annis, tamquam diuino afflatu inspi-  
rati, ad omnipotentis Dei gloriam, & ani-  
marum salutem, vnam presbyterorum &  
*clericorum regularium* Congregationem in-  
stituere, ac vt cum maiori animi quiete  
Deo seruire, & illi magis adhærere possint,  
tria substantialia religiosæ vitæ, *paupertatis*  
scilicet, *castitatis*, & *obedientia* vota emitte-  
re, ac sub solito & communi habitu cleri-  
cali in vnum habitantes, & in communi ac  
de communi uiuentes, nec non Deo hu-  
militer & deuotè, quantum ipse dederit,  
seruientes, sub nostra & Apostolicæ Sedis  
immediata subiectione, & speciali prote-  
ctione, regularem vitam ducere, ac conti-  
nuis orationibus, spiritualiumque operum  
exercitio, & asperæ carnis maceratione, ad  
suarum, aliorumque Christi fidelium ani-  
marum salutem, & profectum, vacare de-  
creuerunt.

Quare nobis humiliter supplicari fece-  
runt, quatenus eorum pio desiderio huius-  
modi annuere, aliasque in præmissis oportu-  
nè prouidere de benignitate Apostolica  
dignaremur.

Nos igitur *Ioannem Augustinum*, & so-  
cios prædictos, ac eorum quemlibet, à  
quibusuis excommunicationis, suspensio-  
nis, & interdicti, alijsque ecclesiasticis senti-  
tentijs,

K

tentijs,

tētijs, cēsuris & pēnis, à iure vel ab homine, quavis occasione, vel caussa latis, si quibus quomodolibet innodati existunt, ad effectum præsentium dumtaxat consequendum, harum seriè absolventes, & absolutos fore censentes, huiusmodi supplicationibus inclinati, vnam Congregationem regularem presbyterorum, & CLERICORVM REGVLARIVM MINORVM nuncupandorum, per vnum *Præpositum generalem*, qui presbyter esse, & hac prima vice per IOANNEM AVGVSTINVM & socios prædictos, vel eorum maiorem partem, postquam professionem emiserint, & deinceps futuris temporibus per Capitulum generale dictæ Congregationis, per maiorem partem suffragiorum, ad vitā eligi debeat, regendam & gubernandam, ad nostram & Sedis Apostolicæ beneplacitum, auctoritate Apostolica, tenore præsentium, permitimus & indulgemus, illamq; sub B. Petri, ac nostra, & dictæ Sedis immediata subiectione & speciali protectione recipimus.

Nec non eidem Congregationi, vt pro ecclesiarum, domorum, & personarū salubri statu, & directione, quæcunq; statuta & ordinationes, rationabilia & honesta, ac sacris Canonibus, & Concilij Tridentini decretis non contraria, per Sedem Apostolicam approbanda, condere & facere illaq; pro

pro temporū qualitate, ac prout expedire videbitur, mutare, & in in totum tollere, aliaque de nouo edere.

Eisdem *Ioanni Augustino*, & socijs, ac cui- libet ipsorum, vt tria substantialia religio- sã vitæ, vt præfertur, paupertatis, casti- tatis, & obedientiæ vota publicè, in cu- iuscunque Archiepiscopi, vel Vicarij in spi- ritualibus generalis manibus, coniunctim vel diuisim, tam in Vrbe, quàm aliàs vbili- bet, emittere, & solemniter profiteri.

Ac sub communi & humili habitu pau- perum clericorum, subq; dominatione & nuncupatione clericorum & presbyterorū *regularium Minorum*, in communi ac de cõ- muni viuētes, in locis religiosis aut secula- ribus, prout ipsis ab illis, quorum loca ipsa erunt, concessum fuerit, seu expedire vide- bitur, in vnum habere.

Ac alios quoscunq; seculares clericos, & etiã Laicos, qui, Deo adspirãte, huiusmodi vitæ frugem & communem viuendi modū sese conferre voluerint, recipere, & post an- num probationis ad talem trium votorum professionem in manibus ipsius Præpositi generalis, vel alterius, iuxta Cõgregationis instituta, & faciendas ordinationes, ac sa- crorum Canonum, & Concilij huiusmo- dispositionem, emittendam, & ad huius- modi communi viuendi modū admittere.

Ac Horas canonicas, diurnas pariter & nocturnas, nec non Missas & alia diuina officia, simul & diuisim, secundum usum & morem Romanæ Ecclesiæ, & iuxta Breuiarium Romanum nouiter compilatum, etiam in Ecclesia dicere & recitare.

Quodque ipsius Congregationis presbyteri, ab ipsius Congregationis Præposito generali, vel alio Superiore, ac ab Ordinario loci approbati, & de licentia ipsius Generalis seu Præpositi domus, in qua pro tempore habitauerint, quorumcunq; Christifidelium confessiones audire, illosque à quibusuis peccatis, excessibus, & criminibus, non tamen Sedi Apostolicæ quomodolibet reseruatis, absoluerent.

Ac quibuscunque Christifidelibus, verè pœnitentibus & confessis, sanctissimum Eucharistiæ Sacramentum, sine tamen suorum Parochorum, & iurium parochialium præiudicio ministrare.

Nec non quascunque domos regulares dictæ Congregationis, pro illorum usu & habitatione, cum ecclesia, campanali, domibus hortis, hortalijs, & alijs officinis necessarijs, construere & ædificare, seu construere & ædificari facere, vel iam constructas & ædificatas recipere, liberè & licitè valeant, dictasque domos ex nunc, prout & tunc,

tunc, & è contra postquam constructa & ædificata, seu recepta, vt præfertur, fuerint, in domos regulares dictæ Congregationis, auctoritate & tenore prædictis, concedimus & indulgemus.

Quocirca vniuersis & singulis venerabilibus fratribus Patriarchis, Archiepiscopis, Episcopis, ac dilectis filiis, eorum Vicariis in Spiritualibus, aut Officialibus generalibus, ac Curiaë caussarum Cameraë Apostolicæ generali Auditori, necnon Abbatibus, Prioribus, Præpositis, Decanis, Archidiaconis, Canonicis, & Capitulis, ac alijs, ad quos quomodolibet spectat, & spectabit in futurum, per Apostolica scripta mandamus, quatenus ipsi, vel duo, aut vnus eorum, per se vel alium seu alios, præsentem litteras, & in eis contenta quæcunque, vbi & quomodo opus fuerit, ac quoties pro parte Congregationis Minorum huiusmodi, illiusque Præpositi, Officialium, Ministrorum, & personarum, vel alicuius eorū fuerint requisiti, solemniter publicantes, eisque in præmissis efficacis defensionis præsidio assistentes, faciant auctoritate nostra obseruari.

Ipsamque Congregationem Minorum, illiusque singulares personas præmissis omnibus pacificè frui & gaudere; Nō permit- tentes Congregationem prædictam, illiusque

personas, desuper per quoscunq; quomodolibet indebitè molestari. Cōtradictores quoslibet & rebelles, per sententias, censuras, & pœnas ecclesiasticas, aliaq; opportuna iuris & facti remedia, appellatione postposita, compescendo, ac legitimis super his habendis seruatis processibus, sententias, censuras, & pœnas ipsas, etiam iteratis vicibus, aggrauādo, inuocato, etiam ad hoc, si opus fuerit, auxilio Brachij sæcularis.

Non obstantibus felicis recordationis Bonifacij Papæ Octaui, prædecessoris nostri, de vna, & Concilij generalis de duabus dictis, dummodo ultra tres dietas aliquis auctoritate præsentium, ad iudicium non trahatur, alijsq; Apostolicis, ac in prouincialibus & synodalibus Concilijs editis generalibus vel specialibus, constitutionibus & ordinationibus contrarijs quibuscunq; aut si aliquibus communiter vel diuisim, ab eadem sit Sede indultum, quòd interdici, suspendi, vel excommunicari non possint, per litteras Apostolicas, non facientes plenam & expressam, ac de verbo ad verbum, de indulto huiusmodi mentionem.

1588. Datum Romæ apud S. Petrum, sub annulo Piscatoris, die primo Iulij, millesimo quingentesimo octuagesimo octauo, Pontificatus nostri anno quarto.

NO-

NOTATIO.

HÆc Congregatio fuit instituta aucto-  
ritate Sixti V. Pontificis Maximi, qui  
eò quod fuit ordinis Fratrum Minorum,  
voluit hanc nouam Congregationem Cle-  
ricorum Minorum nomine appellari. Eius  
fundator fuit V. P. AVGVSTINVS ADOR-  
NVS Genuensis, adhibens duos socios P.  
*Augustinum Caracciolum* & P. *Franciscum*  
*Caracciolum*, Neapolitanos. Huius ordi-  
nis Religiosi, qui ad presbyteratus digni-  
tatem admissi sunt, post annum & quatuor  
menses, Professionem emittunt, & ultra  
tria communia vota Paupertatis, Castita-  
tis & Obedientiæ, vouent etiam solenni-  
ter non ambire dignitates. Fratres verò  
laici, post tres annos receptione, tria com-  
munia vota in Professione emittunt. Vo-  
ta ipsa quotannis in die Epiphaniæ com-  
muniter renouare tenentur. Paupertas in  
eo consistit, vt de communi viuant; nec  
vllò modo permittuntur particulares re-  
ditus & proventus in particulari. Rudibus,  
sed decentibus vestibus induuntur: non  
possunt apud se habere quidquam aureum  
aut argenteum, aut quid aliud pretiosum.  
Singulorum cubicula, eorumque supellex  
paupertate nitescere debent. Habent ora-  
tionem mentalem, tum communem ma-  
nè & vesperi, quam omnes simul peragunt

& terminant cum Litanijis B. Virginis, cum  
circularem, qua singulis horis vnus in cho-  
ro adstat, orando *pro Rege, pro augmento Rei-  
publica, pro benefactoribus.*

In Choro Canonicas horas diurnas  
nocturnasque persoluunt. Celebrant Mis-  
sas solennes; solùm tamen festis diebus,  
Publicè sacrum Eucharistiæ sacramentum  
singulis primis Dominicis cuiuscumque  
mensis exponūt; sacerdotes quotidie cele-  
brāt, fratres Clerici & laici singulis Domi-  
nicis & festis diebus Eucharistiam sumunt;  
quot annis singuli solēt, ad certum dierum  
spatium, ab omnibus prorsus alijs rebus &  
ab omni aliorum commercio segregati, spi-  
ritualia quædam peragere exercitia. Ultra  
ieiunia, quæ cunctis fidelibus Romana in-  
dicit ecclesia, obseruant ieiuniū Auentus  
Domini & feriæ sextæ, per totum anni cir-  
culum & ieiunium feriæ secundæ & tertiæ  
ante cineres, item in secundis & quartis fe-  
rijs totius anni, carnibus non vescūtur; sin-  
gulis sextis ferijs communis flagellatio seu  
disciplina habetur in ecclesia. Habēt præ-  
cipuè circulares pœnitentias, qua singulis  
diebus vnus in pane & aqua ieiunat, alius  
cilicium gerit, tertius flagellis se cædit. Si-  
lentium semper & vbique seruant, præter  
duas horas in assignato loco, vnâ post  
prandium, alteram vesperi.

Proximum

Proximum adiuuant Sacramentorum ministerio, pœnitentiæ, & Eucharistiæ ac euangelicis concionibus habendis, tum in eorum ecclesijs, tum in alijs, si fuerint accersiti. Congregationes instituunt sæcularium, ad ipsorum spiritualium profectum, doctrinam Christianam pueros docent; Missiones exercent, animum agentibus assistunt, eum postulat occasio. Litterarum studia ex professo complectuntur, tum scholastica tum moralia, & casuum conscientiæ; externas linguas, ut Græcam, Hebraicam, Syriacam, Chaldaicam, Arabicam excolunt, & Collegia fundare profitentur; in quibus studiorum vsus promouetur. Non solum docent suos, sed etiam sæculares, accurrentes ad Philosophiam, Theologiam, & doctrinam casuum conscientiæ.

Habent pro nouitijs educandis domos separatas, ubi spiritualibus studijs & exercitijs imbuuntur. Habent insuper quasdam domos, quas vocant *Recessus*, in quibus ij qui volunt, ad certum tempus commorantur, soli contemplationi vacantes. Pro gubernatione Congregationis in plures prouincias distributi sunt; habent Præpositum Generalem toti Congregationi præsidentem, & singulis sexennijs Generale Capitulum, in quo mutatur Præpositus Generalis:

154 De congregationibus Clericorum  
ralis : & singulis triennijs celebrantur Ca-  
pitula Prouincialia; vbi mutantur Præpo-  
siti prouincialis. In singulis domibus ha-  
bentur Præpositi locales, & tum Generali-  
tū Prouinciali adiunguntur quatuor Affi-  
stentes, tum etiam Præposito locali qua-  
tuor Consultores, & omnes ad rectam  
moderationem Congregationis intendūt.  
Viuunt de redivibus & non mendicant.

C A P V T XVIII.

Catalogus Domorum & Collegiorum  
Congregationis Clericorum regula-  
rium Minorum.

Neapoli. { Domus Exercitiorum.  
          { Domus Nouitiorum.  
          { Collegium Neapolitanum.

Domus recessus in oppido vicino.

Panormitana domus, in Sicilia. *Palermo.*

Messanensis domus ibidem. { *Messina.*

Catanensis domus ibidem. {  
IN PROVINCIA ROMANA.

Romæ. { Domus Romana.  
          { Collegium Romanum.

Mannensis domus.

Genuenssis domus.

Bononiensis domus.

IN DVCATV VRBINATE.

Domus in Castello Durante, cum Biblio-  
theca amplissima, quā Dux Urbini de-  
dit PP. Clericis regularibus Minoribus.

Pisauriensis domus. *Pesaro.*